

## LA LETTRE JERRIAISE

Les jours racourche et bein vite nou's'apperchetha que le temps est pus s'tembreux. Mais, j'pouvons pas nos pliandre et dithe que j'n'avons pas ieu de chaleur! Ch'est au contraithe ch't'année. Des tempethatuthes diversement haute et hardi d'humidité. Nou' n'avait pas le tchoeu de faithe rein. J'mé l'v'ait a 5.30 pour promener l'tchian, et pis quand v'nait mejeu, I faisait si caud siez nous dans l'bel, que j'restait pardedans avec toute les portes et f'netres ouverte.

A la fin de Juillet toute la famille decampi en Serc pour eune s'maine.

J'avames prins eune maiethon pour toute la famille et j'eumes un bein bouan temps.

La maiethon n'est pas bein lian de la Coupee, et est batie dans la fachon d'un chalet comme nou verrait en Suisse par exemplye. Ma chambre 'tait a haut et j'avais un balcon et eune belle veu de la me et dans la distance D'gernesi. Au sé j'pouvait vais toute les veus de St Pierre Port.

Eune sethee, en r'gardant par la f'netre de la tchusine, il apathu un grand baté a vaile dans la baie, et I restit la pour la niet. J'avait espethance que le prechain matin tchi sortithait en plienne vailes, un vraie spectacle pour mes p'tits efants a vaie. Dans les sept heuthes du matin, I se r'mins en route sans vailes. Ch'tait le Tenacious, qu'appartchent au Jubilee Sailing Trust.

Je fumes a la me sus Grands Greve un jour, et pis le pus souvent a Dixcart.

Comme trejous, l'y'avait plusieurs p'tits batcheaux dans la baie, et du monde de diffethante nationalités arrivait sus la greve pour aller avoir un r'pas a iun des restaurants.

Comme nous Serq enhanne de la secrete, et toute l'herbe tait brune et brulee par le soleil, et l'y'avait un tas d'ponci sus les fosses des p'tites ruettes.

Au sé j'faisames des promenades en bike vaie des diffethante partie de l'ile. Eune sethee j'fumes au tout Nord sus L'Eperquerie vaie le soleil s'couochit. J'avames eune belle voeue de la maiethon etout, et I faisait caud assez au sé pour s'assiethe jusq'u'a la niet. Ch'tait si trantchille, et pis etout le ciel tait clié et nou pouvait vaie toutes les etailles si bein pasceque l'n'y'a pas de lueue de ville ou bein d'aeroport comme ichin.

Coumme ailleurs l'y'a ieu des changements depis Covid. Il ont perdu des boutiques et restaurant, mais d'autr' ont ouvert. Il ont ieu d'la peine a trouver assez d'monde pour couorre lus restaurants ou cafes. Et l'y'en a qu'avait ouvert, mais ont bein vite r'freummer.

L'ile pathaisser bein embarrassait avec eunne masse de visiteurs, sustout de Dgnesi. Le jour qué j'arrivimes tait la fete auve les courses de brebis, et v'la q'amenes un tas de monde pour le jour seulement.

Eune bouanne semaine tchi s'passit trop vite, mais avec l'idee de r'touanner l'année tchi veint.

Eune fais r'venue 'chin, I fallait se r'mettre a aroser le gardin et la serre pour tachi de garder le pus des pliantes envits. Eune difficile année. Les pais verts fitent assez bein mais né duthitent pas, et ch'tait la meme chose auve les brancheurs. Enfin, l' faut c'menchi a pensait a l'année tchi veint, et p'tetre un mio pus d'succée.

A la prechaine!